

Châng Thlan: *Daniela 1:17.*

Bible Châng Thlûr Bing Tûrte: *Genesis 39; Esther 4, 5; Daniela 1.*

Thuhmahruai: Daniela 1 hi a bu pum puia thil thleng dangte thuhmahruai ang deuh niin, a lehkhabu thupuite a sawi hawng bawk a. Pathian chu mi pawimawh leh langsar ber anga rawn inlanin, lalte leh khawvêla lalram hrang hrangte chung a rorêltu, ram danga awm harsatna tâwk a mi rinawm tak takte tanpuitu a ni. Hêng saltâng tam takte zîngah hian tlangval fel tak tak pali an tel ve a, anni pheï hi chu an thlahtute Pathian laka rinawm zui zêl tûra thutlûkna an siam avângin Babulon lal inah pawh an finzia hriat a ni.

Zirlâi Thupuite: Tûn kêr zirlâi hian thu pawimawh tak tak pathum min kawhhmuh a, chûngte chu:

1. Daniela lehkhabu ziah a nih chhan. Mi rama sal an tân lâi ngei pawh hian Pathian chu eng kim chung a thuneitu a la ni tho va. Kha an saltâna kha Babulon-in an ram a rawn rûn avânga an beisei loh taka lo thleng thut a ni lo; an sualte sim duh loh a mite chung a Pathianin ro a lo rêl tawh thinnain a vâwrtâwp a thlen tâkna a ni zâwk.

2. Daniela'n thiam a zir dân. Khatia thiam zirna ina eng emaw an han zir lâi te pawh khân Daniela leh a thianté chuan Babulon sakhaw bela chhum hmin an nih lohna tûrin theihtâwp an chhuah ve tâng tâng reng a. Pathian chu milem pathiante laka tlâwm ta ni angin lang mah sela, hêng tlângvâl pali-te erawh chu a lakah an rinawm zui zêl tho a, Pathian Thu ang zêlin thil an la ti chhunzawm zêl a ni.

3. Daniela finna. Daniela leh a thianté nungchanga thil pawimawh tak leh chhinchhiah tlâk tak ni bawk chu an fîng êm

êm mai kha a ni. He an finna hi thil eng emaw hriatna a ni satliah mai lo va, Pathian thil thlîr dân ațanga mihring nun zuk hmuhthiamna, Pathianin a pêk finna a kâwk a ni.

Nuna Bel Tûr: Kan nunah hian kan hriatthiam loh thil leh harsatna eng eng emaw lo thleng thîn mah sela, a rawng kan bawl Pathian chuan eng kim hi a kutah a dah a, thil ța lo pawh thil țaah a chantîr leh thei tho a ni. Kan thil thlîr dân hi—chu chuan Pathian kan ngaihdân leh thil nihphung hrim hrim kan pawm dânah te hian ngaihdân leh rilru sùkthlêk min neihtîr a—kan nun min hman thiamtîrtu hmanraw pawimawh tak mai a ni a. Pathian Lehkha Thu hi Daniela tân chuan a khawvêl thlîr dân a hnâr bulpui leh a lungphûm a ni angin keini tân pawh lo ni ve rawh se.

THEN 2-NA: ZIR ZĀUNA

1. Daniela Lehkhabu chheh vêl thilte

Juda-te sâltâna kha Babulon ramin an ram a rawn rûn avânga an beisei lo taka lo thleng thut emaw, Pathian rorêl dân kalha lo thleng emaw a ni lo va. Dik tak pheï chuan zâwlneite pawh khân Pathian mite chu an sualte an sim a, thuthlunga an rinawm thar leh a nih loh chuan ram dang mite hmanga hrem an ni ang a, an tempul pawh tihchhiat vek niin ram dangah sala hruai an nih tûr thu an lo hrihl tawh thîn nghe nghe a ni. Zâwlnei Jeremia pawhin Juda hnam hotute chu Babulon hnêna inpe mai tûrin a hrihl a, chu chu Pathian duh dân pawh a ni bawk niin a sawi. Mahse, hêng vaulâwkna thute leh thurâwn tam takte hian ngaihsak a hlawh si loh avângin Nebukadnezzara chu Jerusalemah a lo kal a, Judai ram chu Babulon Lalram chhûngah a rawn rîn lût ta nge nge a ni.

Daniela leh a thiantie thil tawn hi eng nge ni chiah tih kan hriatthiam theih nân sâltanna chu mipui tam tak, an nihna tihbosak/tihchhiatsak nâna anmahni pianna ram ațanga thawn chhuahna a ni tih kan hriat a tûl a, chutia an thawn chhuah hnu chuan an duh duh dânin an thunun thei tawh thîn bawk. Chutianga mi an thawn chhuahte chu a

tlângpuiin mipui nâwlpui chung lam, entîr nân mi hausa leh awmthei deuh te, khâwnbâwl upate, khawtlânga mi challang deuh chini leh huhâng nei tham deuh te, mi vengva deuhte a ni thîn a.

Mi rethei leh chhumchhiate erawh anmahni awm awma lo awm tûrin an khaw ramah chuan an hnutchhiah mai thîn thung. Hetiang hi hmânlâi khawvêla sawrkâr chak leh lian Assuria leh Babulon te policy a ni a. B.C. 722 khân Assuria chuan hmâr lam lalram Israel chu rawn rûn a ram mipui tam tak chu a lalram chhun hmun hrang hrangah a thawn darh a. Mahse, Juda chuan a thenawm ram chung a thil thleng chu a ngaihven loh avângin anmahi pawh Babulonin a rawn rûn ve a, mi tam tak salah a man eh ta a ni.

Babulon hian tum thum zet Judai ram a rûn niin a lang a. A tum khatna chu B.C. 605 kha niin, Karkemis indonaa Aigupta ram a hneh hnu-ah Judai ram pawh a rawn la leh nghâl law law a nih kha. Hemi tum hian sal atân mi thenkhat a hruai thla a, chûng sala a hruai thlâkte zîngah chuan Daniela leh a thian pathumte pawh an tel ve. B.C. 597 khân eng emaw avângin Judai ram lal Jehoiakima chuan Aigupta lam a hawi a, chumi chu duh lovin Nebukadnezzara chu a tum hnihna atân a rawn thawk leh ta a, mi eng emaw zât salah a hruai thla leh a.

Hemi tuma a hruai thlâkte zîngah hian zâwlnei Ezekiel leh Lal Jehoiakima fapa, Jehoiachina te pawh an tel ve a (Jehoiakima tak hi chu a lo thi hman hlauh tawh a). Nebukadnezzara hian Judai ram lalthuthlêng luah tûrin Zedekia (Jehoiachina pate) a ruat a, ani hi chu Babulon lala rinawm tlat ni tûra a ngâi a ni mai thei e. Nimahsela, Jeremian vawi eng emaw zât vaukhânna a pe chung pawhin lal thar chuan Babulon do-puiah Aigupta ram a sâwm lui tlat a. A tâwp a tâwpah chuan Nebukadnazzara thinin a tuar ta lo va, tichuan, B.C. 586 khân a siruk la-in a rawn thwk chho leh ta a; hemi tum phei hi chuan Jerusalem kulh rawn tichimin tempul pawh a rawn chhu chhe vek a, mi tam tak salah a hruai thla bawk a ni.

2. Daniela thiam zirna

Babulon rama zirna an kalpui dân hi han sawi hmasa lawk ıla. Chu chuan Hebrai tlangvâl pathumte khân eng engte nge an zir tih leh eng ang khawvêl thlîr dân nge an hmachhawn tih min hriatthiamtîr thei dâwn a ni.

Babulon ram sikula an zir hmasak ber chu Babulon mite ɽawng hman tlânglâwn ber ber pahnih, Aramik leh Akkadian te a ni a: Aramik hi Babulon mite mai ni lovin, he lâi ram vêla chêng ve hnam dangte pawhin an ɽawng hman ber a ni a; Akkadian hi chu an sakhua thu leh hla leh an hnam ziarâng chanchin an ziahna ɽawng a ni thung. Akkadian ɽawng hi chu hlum tlanga ziah niin, hawrawp a tam a, ziah pawh a harsa hlê. Zirlâite chuan Akkadian ɽawnga inziak thawntu eng eng emaw, entîr nân, Babulon ɽhalâiten an naupan têt ata an lo hriat ɽhan tawh Gilgamesh-a chanchin te, Sargon-a chant e, leh Naram-Sina- te chanchin chu an zir ɽhîn a ni.

Chumi zawhah chuan, anmahni ngeiin thiam taka thu an phuah theih dân tûr leh Babulon mite thil thlîr dân an lo ɽâwmpui theih dân tûr an zir leh a. Heta a thil zir hi hetiang hian mi thiam pakhat chuan a sawi a: “Thil pahnih tih tum an nei a: zirlâi rilru chu Babulon khawpuia chêngte sakhaw kalpui dân leh ram rorêlna an hriatthiam dâna chhûn khah a, sawrkâr mi pawimawh ni tûra chher chhuah a ni.”—A. R. George, *The Babylonian Gilgamesh Epic* (Oxford: Oxford University Press, 2005), 1:36.

Daniela leh ɽhiante hian eng subject-te nge an zir tih a chipchiar chuan kan hre kîlh kêlh thei kher lo vang a. Mahse, a chung a kan hmuh tâk ang hian hetih lâi vêla Babulon rama zirna an kalpui dân tlângpui chu kan hre thei tho âwm e. Daniela leh a ɽhiante zir tûra an chhawp chhuah pawh hi a chung a kan sawi tâk ang bawka hautak a nih ngei a rinawm a. Nimahsela, Babulon zirna in sâng berin a zirlâite laka a phût finna leh hriatna kawngah hian Daniela leh a ɽhiante kha a ɽha filawr hle a ni.

3. Daniela finna

Daniela leh a ðiante nungchanga thil pawimawh chhinchhiah tlâk tak pakhat awm chu an fñing êm êm mai kha a ni. Khatia Babulon sakhaw bêla chhum hmin tuma an beihna a lo hmachhawn dân te kha a fñing ngawt mai—ei thiàng lo an hluite pawh kha pawnsapaw hnualsuat ngawt lovin fñing tak leh thiam takin a lo hnar a nih kha. Chutianga lal chaw tuihnâi an ei lo chung pawh chuan an ðhian zaho kha Babulon mi fñingte âiin a lêt 10 zetin an fñing zâwk tho a. A lehkhabu tâwp lamah hian mi fñing leh hriatthiamna neite chuan mi sualte lakah tihduhdah tâwk mah se, hnehna an la chang nge nge tho dân tih thu kan hmu nghe nghe (*Dan. 11:33, 35; Dan. 12:3*). Mahse, Daniela lehkhabu finna thupui hi a nihna anga hrethiam tûr chuan he thupui vêk hi Bible hmun danga ngaihsân a nih dân pawh kan thlîr tel a ðul ang.

Bible-a thupui pawimawh leh ngaihnawm tak pakhat kan hmuh fo chu “finna” tih hi a ni. Bible-a lehkhabu ðhenkhat phei hi chu finna lam hawi thuziak tia a hming pawh phuah a ni. Chûngte chu Joba, Thufingte, Thuhritute leh Hla Thlan Khâwmte bâkah, Sâm lehkhabu bung ðhenkhatte hi an ni. Hêng finna thu tinte hian Pathian Dân zawm chu nun ðha leh hlimawm thlentunian an hriat avângin an sawi uar êm êm hlawm. A tlângpui thuin an thuchah hi Exodus-ah emaw, Pathianin a mite a chhanchhuahna lian tham dang eng emawa inngat a ni lo va, khawvêl leh a chhûnga thil awmte siam a nihnaah kha ðanchhan berah an hmang hlawm zâwk. Pathian chu Siamtu niin, lei leh vân leh khawtlâng nun khalh kaldu dânte duangtu niin an sawi a.

Chuvâng tak chuan, Pathian dân zâwmte chuan Pathian malsâwmna pawh an dawng thei deuh nge nge rêng a ni. Joba lehkhabu hian he dânin a huam tel ve loh eng eng emaw a awm thu a sawi a; amaherawhchu, hêng a huam tel ve lohte ngei pawh hian Pathian dân zawm a ðhatzia chu a rawn nemnghet ve tho

bawk; a chhan chu a tâwpah hian Joba khân a hausakna leh a hlimna kha a hmuh lêt leh vek vâng a ni.

Daniela mi fîng tak nia sawi a ni a; mahse, a fîn chhan chu Babulon tawng un tak takte leh an thuziak hluite a hriat êm vâng a ni lo. LALPA laka a rinawm avâng a mi fîng nih hlauh a ni zâwk a. A Pathian thu pawm dân nghet tak khân lal dawhkâna chaw tuihnâi tak takte kha a hnatîr theiin, a âiah tuisik leh thlâi rah chauh a rintîr bawk a, chûngte chu khawvêl siam a nih lâia Pathianin mihringte chaw ni tûra a lo ruat sa rêng a ni. Danielan finna a neih theihna chhan hi a taimâk vâng leh amah a invawn uluk peih vâng ringawt pawh a ni hek lo. Pathian a rinna leh a beiseina chu a thiltiha a lantîr tîin avâng a Pathian malsâwmna a ni a. Chutiang finna chu zirna in sâng a tanga zir chhuah theih rual a ni lo va; chu finna chuan mumangte hrilhfiah theitîrin mihringte tâna Pathian ruahmanna lian leh ropui tak chu a hriatthiamtîr theih bawk a ni.

THEN 3-NA: NUNA BEL TÛR

- ❶ Daniela lehkhabu hian LALPA chu a mite rap hrual a, ama biak in ngei pawh rawk tûra ram dang mite phalna petu niin a chhuah tlat mai. He thil thleng a tâng hian Pathian nungchang zir chhuah theih kan neih chu sawi rawh.
- ❷ Babulon lal ina Daniela thil tawnte hi Aigupta rama Josefa thil tawn leh Persia lal ina Estheri thil tawn te nêen khân khâikhin la. Tu thil hmachhawn hi nge hautak bera i rin? I tawn ve tûr ni ta se, a eng hi nge i zuam deuh ber le?
- ❸ Tûn kêr zirlâi hian mahni inenfiah theihna kawng eng eng emaw a hawng a. I class member-te kha hêng zawhnate hi chhâng tûrin sâwm ang che:
 - Pathian phalnain ka chênna ram hi ram dangin rawn rûn ta se, kan hnam zia leh nunphung te pawh tichhe vekin, ram dangah

min thawn darh ta vak mai se la, Pathian lakah ka lâwm ang nge ka vui ang? Pathian ða tak ni-ah ka ngâi ang em?

- Sawrkâr office-ah hna ða tak thawh tûr pêk ni ta la, mahse, party-ah inhmangin chuta ei leh in tûr (ei thiang lo leh in thiang lote pawh a tel ang a) an chhawpte chu i eia i in ve vek ngâi si se, eng tin nge i tih ang?
- I chênna rama i chipui/hnampuite zînga i awmin nge ram dang hla taka i awmin LALPA thu zawm harsa i tih zâwk? Harsa i tih zâwk chhan sawifiah ang che.
- Eng tiang kawngtein nge min hual vêltu hnam hrang hrangte nihphung leh ziarângte hi Chiang taka ka hriat theih nân khawvêl thlîr dân dik tak kan neih theih ang?
- Sabbath serh kawnga chona emaw, sumdâwnna leh hna thawhna lama thlêmna emaw i hmachhawn châng leh Kristian ni ve lo emaw, a nih loh paw'n Seventh-day Adventist ni ve lo ðhian tu emaw i kawm châng te khân Daniela kha entawnah i nei ðhîn em?

* * *

INSIDE STORY

RAWNGBÂWL DÂN THAR

By Andrew McChesney, Adventist Mission

UNIVERSITY zirlai Samuel Naumann chuan German rama thlarau man nâna Adventist thuchah chuânna lehkha hman tangkai dân thar a hre tlat mai

Naumann hian a pa leh a pûte nêh khawpui vêng lûn lai taka annual festival neihnaah lehkhabu dâwr an siam vê a. Anni tak chu tlêma hla deuh hleka dingin, chuta lo kal apiangte hnênah thil thlâwnpêk dawn theihna card an lo sem zêl a. Chutiang card dawng duhte chu lehkhabu dâwra lehkhabu an duh ber a thlâwna thlang tûrin an kawhmuh zêl bawh a. Chutianga an tihna zârah chuan hmêlhriat leh ðhiantè an lo nei ta zêl a, chutiang lehkhabu latûte pawh chuan an chhiar deuh ngêi bawh ðhîn a ni.

Naumann-a hi kum 25 mi, Leipzig University-a zirlai, Slavonian ram mi a ni. Ani chuan, “Annual festival hmanga lo kal mi tam tak hnênah lehkha kan sem a, chûng mîte hnên atang chuan a chhâna pawh kan dawn nual mai. Thênkhat phei chu, ‘Nikuma in lehkhabu ka dawn kha a tha lutuk. A dang pawh chhiar tûr ka la duh,’ titein min hrilh hlawm a ni,” tiin a sawi.

Thil thlâwnpêk dawn theihna card sem hmanga hmalâkna zârah, German rama Adventist member 35,000 awmna hmuna rawngbâwl khirh viaunaah pawh kawng a hawng tan a. Hê rama chêng mi maktaduaih 83 vêl, sâkhaw ngaihsak lote zîngah kawng a hawng a. Chutiang deuh bawk chu Naumann û pawhin Poland ramah nipui laiin a ti vê a. Poles ho hian Ukrainian mîte tih dân an hriat an lâk chhâwnvê a ni mah zâwk a, mahse Naumann-ate chhûng hian chutianga hmalâk chu an tuipui zâwng tak a ni a; lehkhabu dâwr hawngin hmâ an la zui zêl a ni.

Chutiang hmuna lo kalten an lehkhabu duhzâwng an thlan lai chuan eng lam nge an tuipui deuh tihte an lo zâwt pah a, Pi White-i lehkhabu *Chatuan Nghahfâk* leh *Indona Ropui* bâkah hrisêlna lam lehkhabu, *Health and Wellness: Secrets That Will Change Your Life*, by Mark Finley and Peter Landless ziahte chu a kal khawp mai.

Chutianga inbiakna chu remchângah lâin, lehkhabu chu a thlâwna dawn theih a ni tak tak em tih an zawhte phei chuan, an tîtpui theih deuh châwk a ni.

Naumann-a chuan, “A thlâwna dawn theih a lâwm! Aman pêk sak diâm in ni tawh,” tiin a hrilh thîn a.

Chûng mîte chuan, “Engtizia nge?” tiin an zâwt hê hâu thîn a.

Naumann-a chuan, “Kraws ang deuh kha a ni ber mai. Isuan a man min pêksak tawh a. In pawm duh leh duh loh athû a ni tawh mai. In insênna tûr ber chu chhiar nân hun tlêm tal in hman a ngai dâwn tih mai a ni. Chû chu a man in pêk tûr zawng chu a ni,” tiin a hrilh thîn a.

Lehkhabu an dawnawsawn dân chu a ̣ha lam a ni tlângpui.

A pa, Steffen-a pawhin, zirlai a nih laia *Indona Ropui* ngaihnaawm a tih theih dânte kha a ngaihtuah lêt a, a history a zirpuite tân bu kuâ lai a dîlsak a. Chû lo pawh, European Union-a politician lâk tak pakhat pawhin *Indona Ropui* a chhiar chu a tuipui ta viau mai a, zan khatah a chhiar chhuak vek mai a ni. A tûkah chuan lo lêng lehin, a fapa tân a rawn dîlsak vê ta hial mai a ni.

Naumann-a chuan, “Hê rawngbâwlna hi chanchin ̣ha chi thehna angah ka ngai a, rah seng hun chu a lo la thleng mai ang tih ka ring,” tiin a thiltih a tuipui thû a sawi ̣hîn.

